

ա) Ընդհանուր կառուցվածքն ու բովանդակային ընդգրկումները

«...Կառուցվածքի հարցում հայ պատմիչը անկաշկանդ է: **Պատմագրական երկը պարտադիր կառուցվածք չի պահանջում**»,– գրում է Մայիս Ավդալբեգյանը (ընդգծումը բնագրում–Ա.Ն.)⁴: Այդուհանդերձ, ցանկացած պատմագրական երկ ունի որոշակի կառուցվածք, ավելին՝ կառուցվածքային որոշ տարրեր նույնիսկ ընդհանրական են:

Պատմագրական երկի կառուցվածքը մեծապես պայմանավորված է բովանդակությամբ և թելադրվում է վկայագրվող իրադարձությունների բնույթով: Հատկապես շարադրանքի ներքին տարածքում առկա կառուցվածքային միավորները պատճառաբանվում են պատմությունը համակողմանի, ընդգրկուն, հավաստի, միևնույն ժամանակ՝ առանց ավելորդաբանությունների ու երկարաբանությունների ներկայացնելու մտահոգությամբ ու ցանկությամբ: Այլ հարց է՝ պատմիչն, ի վերջո, հասե՞լ է դրան, թե՞ ոչ:

«Գիրք պատմութեանց»-ի առաջին իսկ պարբերության մեջ Դավրիժեցին ուրվագծում է իր երկի կառուցվածքային յուրահատկություններն ու բովանդակային սահմանները, թեպետ հանգա-

⁴ *Մայիս Ավդալբեգյան*, Չայ պատմագրության ժանրային մի քանի առանձնահատկություններ, «Չայ միջնադարյան գրականության ժանրեր» գրքում, էջ 17: